

capitulum. idem Bald. in 1. *constit. Digesti veter.* §. *Itaque*, 2. column. in *medio*. Alexand. in *leg. Qui filius*, §. 1. *fin. column. ff. de Legat.* & ibi Modernus Florian. in *leg. Qua pater*. ff. *famil. ercisc.* 4. column. num. 13. Jas. in *leg. Si extraneus*, 4. column. num. 16. de *C. n. d. et. ob causam*. Felin. in *cap. Capitulum Sancta C. uicis de Rescriptis*, 16. column. versic. *de Duobus*. Martin. de Laud. in *tract. de Primogenitur.* 57. *quæst.* Cifuentes in *hac leg.* 40. *Taur.* 3. *quæst.* & ibi Palac. Rube. n. 6. Pro qua sententia & conclusione est hodiè in nostro regno notabilis lex Partit. 12. *tit. fin. 7. part.* Confirmatur; quia in jure nostro & historiis reperimus, duos simul fuisse Reges vel Imperatores in Regno vel imperio; text. est in *leg. Divi fratres*. ff. *de Jure patron.* text. in *leg. Divi fratres*. ff. *de Pœnis*, text. in *leg. Si aduiterium cum incestu*. §. *Imperatores*. ff. *de Adulter.* text. in *leg. Imperator*. ff. *Ad municipal.* text. in *leg. Imperatores*, eodem *tit.* text. expressus & formalis in *cap. Tunc autem* 21. *distinct.* & ibi notat Glossa ordinaria & communiter DD. in *cap. Non autem caus.* 7. *quæst.* 2. & ibi bona Glossa, & communiter DD. Nec obstat si dicatur, quòd Regnum, vel Imperium, vel majoratus, qui consistit in jurisdictione, est indivisibile, ut in *cap. 1.* §. *Præterea Ducatus de prob. feud. alien. per. Feder.* & in *cap. Licet de Voto*, & latè *suprà* probatum est; ergo impossibile videtur quòd sit pœnes duos. Quia ad hoc subtiliter respondeo, quòd Regnum, Imperium, vel majoratus & ejus jurisdicção non dividitur, sed pœnes quemlibet est in solidum; quia modò loquamur in jurisdictione, modò in alio jure individuo, si competat pluribus, semper competit omnibus in solidum; text. est in *leg. 1. ff. de Offic. Consul.* text. in *leg. 2.* §. *Ex his*, & §. *Item si in facto*. ff. *de Verbor. obligation.* text. in *leg. Stipulationes non dividuntur*, cum materia, eod. *tit.* text. in *leg. Hæredes*. §. *Antea stipulatio*. ff. *Fami. ercisc.* text. in *leg. Via in fin.* ff. *de servit.* text. in *leg. Si unus*, versic. *fin.* ff. *de servit. rust. pradior.* text. in *leg. Fideicommiss.* §. *fin. de Leg.* text. in *leg. fin.* ff. *de Servit. legat.* quo casu uterque habebit administrationem in solidum, taliter quòd sit locus præventioni. Vel possunt inter se administrationem dividere per regiones; argumento textus notabilis in *dist. leg. 1. ff. de Offic. Consul.*, argumento etiam textus notabilis in *leg. Inter tutores*. ff. *de Administr. tutor.* ubi habetur, quòd plures possunt esse tutores alicujus pupilli; & uterque habet jus tutelæ in

solidum tanquam individuum, & uterque poterit in solidum administrare, nisi administratio sit inter eos divisa per loca, vel regiones; & ibi notabiliter Bartol. & communiter DD. text. in *leg. Decretos*. §. *Si duobus eod. tit.* text. in *leg. 3.* §. *fin. eod. tit.* text. in *leg. fin. Cod. de Auctoritat. Præsid.* text. in *leg. 1. Cod. Si ex plurib. tutoribus*, &c. text. in *leg. 1.* §. *Si plures*. ff. *de Exer. cit. text. in leg. 2. Cod. de Dividend. tutel.* notat plenè Bart. & ibi communiter DD. in *leg. Si uni*. ff. *de Re judic.* Abbas, & Canonitæ in *cap. Prudentiam de Offic. delegat.* quo etiam casu, si unus eorum habeat liberos, & non alter, succedet major; si verò uterque habeat liberos, succedet etiam ille qui prius ex aivo editus sit. Item etiam ex iis potest inferri, quòd si ille, qui constituit vel fundavit majoratum, vocavit aliquos alternativo modo, dicendo, quòd nominabat Titium, aut Sejum; quòd non vitietur dispositio, sed uterque admittatur, sicut *suprà* dixi & fundavi in pluribus simul natis ex eodem partu; quia alternativa posita inter personas honoratas resolvitur in conjunctam: ita probat textus singularis, & unicus in jure in *leg. penult. Cod. de Verbor. significat.* ubi disponitur, quòd si hæreditas, legatum, tutela, vel libertas relinquatur duobus vel pluribus alternativo modo, talis alternativa resolvitur in copulativam, & sic omnes pariter & simul admittantur; intelligendo & declarando isto modo; quòd si tale commodum vel relictum est mere dividuum, ut hæreditas, legatum, vel quælibet alia res similis, quilibet admittitur pro parte; si verò sit merè individuum, ut tutela, libertas, servitus, jurisdicção, majoratus, vel similis dignitas, quilibet admittitur in solidum: Et in terminis ita tenet & declarat ibi Glossa ordinaria, Odoffr. Petr. Cyn. Jac. Butr. Paul. Angel. Salyc. Alexand. Jas. & communiter DD.

Decimoquinto principaliter quæro, si primogenitus est demens, furiosus, vel mentecaptus, an excludatur à successione Regni vel majoratus, & succedat sequens in gradu? In quo articulo resolutivè dico, quòd si talis primogenitus habet illud vitium perpetuum à sua natiuitate, statim excluditur, & succedit sequens in gradu; quia lex vel dispositio, quæ vocat primogenitum ad successionem, debet intelligi de eo qui naturaliter nascitur habilis, argumento text. in *leg. Ut gradatim*. ff. *de Munerib. & honorib.* (t) Si autem habet illud vitium ex post facto ex aliquo casu vel accidenti; tunc ipsemet succe-

(t) Hanc etiam resolutionem scribit. Tiraquell. *de Jure primog.* p. 23. in *pr. & quæst.* 21. n. 11. Menchac. *de Succ. creatione* §. 21. n. 148. Corn. *cons.* 42. l. 4. Mollign. in *cons. Parisiensib.* tit. 1. §. 8.

cedit, dato sibi curatore, vel administratore; quia in persona sua jam est radicatum jus successionis; nisi aliud dicatur expressè per disponentem vel constituentem; Ita probat textus singularis & unicus in jure in *cap. Grandi de Supplen. neglig. pralat.* ubi ex ista causa datus fuit curator vel administrator per summum Pontificem Regno Portugaliæ. Et ad hoc notat & commendat ibi Gloss. ordinaria Joan. Anton. Arch. Domin. Anchar. & communiter DD. Et in expresso per illum textum istam sententiam & conclusionem tenet Bald. in *cap. 1. fin. column. de Success. feud.* idem Bald. in *Authent. hoc amplius*, col. num. 10. *Cod. de Fideicommiss.* Alvarot. in *cap. 1.* §. *Mutus*, 3. column. num. 7. *Episc. vel Alvat.* in *lib. Feud.* Martin. de Laud. in *tract. de Primogenitur.* 10. *quæst. princip.* Anton. Corse. in *tract. de Potestate Regia*, 10. *quæst. princip.* Jacob. de S. Georg. in *tract. Feud. pert. Quid sit rex.* 2. fol. num. 7. in *leg. Nemo potest*. ff. *de Leg.* 1. column. 2. num. 4. Palac. Rub. in *repet. cap. Per vestras*, fol. 100. 1. column. num. 8. Cifuent. in *hac leg.* 40. *Taur.* 17. *quæst.* Quod tamen notabiliter limita & intellige, quando majoratus consistit in jurisdictione, vel administratione, ut Regnum, Ducatus, vel quid simile; nam lex, consuetudo, vel dispositio, quæ vocat primogenitum ad successionem, debet intelligi de habili; secus verò de inhabili, *per supradicta*. Si verò majoratus non consistit in jurisdictione, vel administratione, sed tantum in pura & simplici successione bonorum; tunc benè succedit talis primogenitus, licet sit demens, furiosus, vel mente captus; quia quando agitur de successione bonorum, ipse est capax ex testamento, vel ab intestato, sicut quilibet alius sanæ mentis, ut in *leg. fin. §. Tali. Cod. de Cura. furios.* & in §. *Fui. Instuunt. de hæred. qua ab intest. deferunt.* (u)

Decimosexto principaliter quæro, an primogenitus possit cedere & renuntiare jus primogenituræ in sequentem in gradu? Et breviter dico quod sic; ita probat textus notabilis in *cap. Quam periculosum caus.* 7. *quæst.* 1. cujus verba sunt. *Quam periculosum sit in divinis rebus ut*

quis cedat juri suo & potestati Scriptura Sacra declarat, cum Esau primatus suos inde perdidit, nec recipere post modum potuit quod semel cessit, & per illum textum ita tenet Hostien. Joan. Andr. & commun. DD. extra, *de Voto*. Bald. in *cap. 1. Præterea*, num. 2. ff. *Quibus mod. feud. amit.* Martin. de Laud. in *tract. de Primogen.* 23. *quæst.* Jacob. de S. Georg. in *leg. Cum antiquioribus Cod. de Jure deliber.* fin. column. num. 21. Cifuentes in *hac leg.* 40. in *ll. Taur.* 14. *quæst.* Quod tamen limita & intellige, quando primogenitus, qui renuntiat, esset major 25. annor. secus verò si sit minor; quia posset se restituere, nisi jurasset; argumento *Authent. sacramenta puerum*, *Cod. Si adver. vend.* ita tenet & declarat Mart. Jacob. de S. Georg. & alii DD. ubi *suprà*. Item etiam limita & intellige, quando primogenitus jam successerat in majoratu: secus verò si pater ejus vel prædecessor viveret; quia tunc ejus voluntas & consensus requiritur cum perseverantia usque ad mortem, argumento text. in *leg. fin. Cod. de Pact.* Et in expresso ita tenet Bald. in *Authent. hoc amplius*, *Cod. de Fideicommiss.* 3. column. n. m. 10. Quod est notabile. Cujus ratio est, quia tali casu in effectu videtur factum & celebratum pactum *de futura successione certo modo dividenda*; cum tendat in favorem alterius filii post eum vocati ad majoratum: Nec differt, quòd tale pactum fiat soli patri & possessori, vel fiat patri & filio successor; quia utroque casu censetur pactum *de futura successione certo modo dividenda*; cum sibi ceditur & donatur major pars & successio bonorum, & vide latius in *leg. 22. suprà his legibus* num. 30.

Decimoséptimò principaliter quæro, an pater possit privare filium primogenitum jure majoratus & primogenituræ? Et breviter & resolutivè dico, quòd non, nisi ex magna causa, per quam posset eum exhæredare, & privare sua legitima; argumento text. in *Authent. ut cum de appel. cogn. cap. Causas*, collat. 8. & in *leg. fin. Cod. de Revoc. donat.* Et in expresso ita tenet Hostiens. Joan. Andr. & communiter DD. in *dicta cap. Licet, de Voto*. Alber. in *Proamio. Digest. Ver.* §.

§. 8. Gloss. 1. pro qua sententia est textus expressus in *leg. 3. ad med. verb. Todas estas cosas*, tit. 15. part. 3. Gregor. in *leg. 2. tit. 15. part. 2. verb. Seyendo home para ello*. Molin. *lib. 1. cap. 13. n. 15.* Matienz. quamplures alios cumulans in *leg. 1. tit. 7. gloss. 1. num. 14. lib. 5. Recop.* De mutuo, & surdo vide Molin. *lib. 1. cap. 13. num. 46. usque ad 65.* de cœco, num. 66. & 67. ubi latè de istorum successione in majoratu agit.

(u) Hanc limitationem probat Tiraquell. alios referens *de Primogenit. quæst.* 23. n. 5. Menchac. *de Succession. creation.* §. 2. num. 148. Molin. *lib. 1. cap. 13. num. 22.* Matienz. in *leg. 1. tit. 8. lib. 5. gloss. 1. num. 15.* & in expresso ita tenet & declarat solus Joan. le Cirier. in *tract. de Primogenit.* in 3. lib. 4. *quæst. princ.* vers. *Salva reverentia.*

§. Discipuli, 3. column. in medio. Bald. in cap. 1. de Natura feud. Ripa, in leg. Nemo potest. ff. de Legat. 1. 2. column. num. 7. Jacob. de S. Georg. in leg. cum in antiquioribus. Cod. de Jure deliber. fin. column. num. 20. Bald. in cap. 1. Quibus modis feud. amit. 5. column. num. 22. ubi dicit, quod quæcumque causæ justæ exheredationis, vel revocandæ perfectæ donationis sunt justæ causæ privationis feudi. Mart. de Laud. in tract. de Primogenit. 18. & 19. quæst. Advertendum tamen ultra DD. quod hoc intelligerem & limitarem, quando majoratus provenisset ab illo patre qui offensus est, licet esset irrevocabilis per traditionem possessionis, vel ex alia causa; (x) secus verò si proveniret ab aliis ascendentibus, vel ab alio tertio; quia tunc non posset eum tali jure privare; argumento eorum quæ dicuntur infra ista leg. In illa quæst. an & quando bona majoratus possint per delictum confiscari? (y)

Decimo octavo principaliter quaero, an successor in Regno vel majoratu teneatur solvere debita prædecessoris? (z) Et videtur quod sic: Primò, quia succedit jure hæreditario: (A) Textus est in cap. Licet, extra, de Voto, & ibi notat & commendat Abb. & commun. DD. text. in cap. Grandi, de Supplen. neglig. pral. & ibi commun. DD. & latius supra dictum est: Ergo tanquam successor teneatur solvere debita sui

(x) Ut tradit Padill. in leg. Num ex familia, §. fin. de Falcid. num. 19. de Leg. 2. facit lex 1. fin. num. tit. 6. lib. 5. Recopilat. & quæ ibi tradit Matienz. in gloss. ultim. Molin. lib. 1. cap. 6. num. 31. cum sequentibus. qui latè num. 6. prosequitur, quibus casibus ex ingratitudine contra fundatorem commissa possit excludi successor majoratus à successione? Matienz. in leg. 4. tit. 7. lib. 5. Recopil. gloss. fin.

(y) Idem & Acoft. de Successione regni ex num. 16. usque ad 28. Molin. n. 1. cap. 8. n. 20. & lib. 3. cap. 6. num. 15. Mieres 1. tract. majoratus 4. part. quæst. 1. num. 46. cum pluribus aliis, quos refert & sequitur. Velazq. hic gloss. 1. num. 74.

(z) Vide de hac quæstione Molin. lib. 1. cap. 10. per totum. Joan. Garc. de Fructibus & expensis, cap. 16. num. 10. per totum. Velazq. de Avend. plures referentem in leg. 46. Taur. gloss. 9. n. 2. & sequentibus. Capit. decis. 192. per totam. Gregor. in leg. 4. verb. sus deudas, tit. 15. part. 2.

(A) Prout tenet Oldrad. consil. 94. column. 1. cujus autoritate id etiam tenet Afflictus, in constitutionibus Regni Sicilia lib. 3. rubr. 24. num. 75. Suar. allegatione 10. Simanc. in catholicis institutionibus, cap. 9. n. 263. Molinæ. in consuetudinibus Parisiensibus. tit. 248. gloss. 3. num. 9. Tiraquell. quæst. 23. de Primogenit. num. 5. & quæst. 35. per totam, Cifuentes hic, quæst. 16. Alvar. Velascus de Jure emphyteutic. quæst. 50. num. 2. & 12. Acoft. de Successione regni. num. 2. Joan. Garc. de Fructibus & expensis, cap. 16. num. 17. usque ad 32. Velazq. hic, gloss. 1. num. 13.

(b) Hancque sententiam defendit Molmæ. in consuetudinibus Parisiensibus. tit. 1. §. 11. num. 4. Padill. in leg. Unum ex familia, §. Si de Falcidia de Legat. 2. num. 7. Gregor. in leg. 4. tit. 15. part. 2. verb. sus deudas. Burg. de Paz in Proemio legum Taur. num. 101. Acofta de success. Regni num. 11. Molin. lib. 1. cap. 10. per totum. Velazq. de Avend. hic gloss. 1. num. 73. novam rationem hujus sententiæ reddens Mieres in tract. Majorat. quæst. 26. per totam. Matienz. in leg. 6. tit. 7. lib. 5. gloss. 3. num. 16. & sequentibus. ubi latissimè tractat hunc articulum, plures allegans, qui n. 19. septem casibus in quibus ex juris necessitate debita prædecessoris successor majoratus solvere teneatur.

prædecessoris; argumento text. in leg. 1. 2. & per totum, Cod. de Hæreditar. action. Secundò pro hac sententia & conclusione facit notabilis & expressus text. in cap. Significavit, extra, de Rescriptis, ubi successor in Comitatu non potest conveniri virtute rescripti impetrati contra prædecessorem, qui erat debitor certæ quantitatis, si talis prædecessor mortuus sit re integra, antequam ad judicium fuisset vocatus; ergo si rescriptum extenderetur ad successorem, benè posset conveniri, vel aliàs sine rescripto posset via ordinaria coram proprio judice conveniri. Et ad hoc notat & commendat ibi Bald. col. in 2. notabil. Sed his non obstantibus, contrarium videtur de jure verius, imò, quòd talis successor majoratus non teneatur solvere debita prædecessoris. (b) Primò singulari fundamento & ratione; quia quando majoratus non est constitutus ab ipso prædecessore, sed ab antiquo, non dicitur talis successor immediate succedere ipsi proximo prædecessori, sed primo fundatori constituenti majoratum; textus est notabilis in leg. Unum ex familia, vers. 1. ff. de Legat. 2. & ibi notat & commendat Bartol. Alber. & communiter DD. text. in §. Si de falcidia, ejusd. leg. text. in §. Sed si fundum, prope fin. ejusd. leg. text. in leg. Pater ex provincia. ff. de Manumis. vind. text. in leg. Pater filium. ff. Ad legem. falcid. Facit bonus text. in leg. Assè toto. ff. de Hæred. instit.

instit. text. in leg. Si ita scripsero. ff. de Condition. & demonstration. ergo libere debet bona recipere, nec potest à proximo prædecessore gravari, nec debita ejus persolvere; argumento textus cum materia in leg. Ab eo, Cod. de Fideicommiss. Si verò majoratus est constitutus à proximo prædecessore, non potuit constitui, nisi prius debitis solutis; quia non dicuntur bona, nisi deducto ære alieno, ut in leg. Subsignatum. §. Bona. ff. de Verbor. signific. & in leg. Venisse, eod. tit. & in leg. Cum emancipati. §. illud. ff. de Collat. bonorum, & in leg. Mulier. Cod. de Jur. doti. cum similib.

72 Sed in hoc articulo ista est vera concordia & resolutio; quòd si debitum est contractum in utilitatem ipsius majoratus, tunc benè tenetur successor illud solvere. (c) Quod tamen intelligo & declaro, quòd teneatur successor solvere non personaliter ex proprio patrimonio, sed ex patrimonio & bonis majoratus, quatenus partiuntur vires ejus; cum in ejus utilitatem sit versum; (d) quia aliàs esset iniquum quod successor, qui fortè per momentum succederet, & possideret majoratum, teneatur ad omnia debita. Si verò non est conversum in ejus utilitatem, non tenetur solvere; ita probat textus notabilis in cap. 1. extra, de Solution. ubi successor in beneficio vel dignitate tenetur solvere debita prædecessoris pro necessitate Ecclesiæ contracta; cujus verba sunt: Sicut filius debita patris solvere tenetur, ita prælatus sui prædecessoris pro Ecclesiæ necessitate contracta. Secundò pro hac sententia & conclusione facit text. in cap. Ex presentium de pignor. ubi habetur, quòd si rector Ecclesiæ pro necessitate propria rem Ecclesiæ obligavit, non tenetur Ecclesiæ, vel successor in beneficio vel dignitate, liberare; ergo secus est, si pro necessitate vel utilitate ipsius Ecclesiæ debitum contraheret. Tertiò facit text. in cap. Quod quibusdam, extra, de fidejussoribus, ubi habetur, quòd si Religiosus sine consensu Abbatis vel Capituli pecuniam mutuam accepit, non tenetur Monasterium, nisi in uti-

litem ejus conversa sit. Quartò facit textus notabilis & expressus in cap. 1. §. Si Vassallus. Hic finitur lex; deinde consuetudines regni incipiunt, in lib. 2. Feud. cujus verba sunt: Si Vassallus in feudo aliquod ædificium fecerit, vel ipsum sua pecunia melioraverit, & contrigerit postea, quod Vassallus sine filio masculo decedat, dominus aut patriatur ædificium conferri, aut solvat pretium meliorationis. Quintò facit textus notabilis cum materia in leg. In fundo. ff. de Rei vindic. text. in leg. Sumptus eod. tit. text. in leg. Domum, cum materia, Cod. eod. tit. Sextò facit textus notabilis in leg. Domus hæreditarias. ff. de Legat. 1. ubi probatur, quòd faciens sumptus utiliter in re subjecta restitutioni: potest eos petere in causa restitutionis; & ad hoc notat & commendat ibi Joan. de Imol. & commun. DD. bonum text. in leg. Mulier. §. Sed enim. ff. Ad Trebell. Septimò facit text. in leg. Si in area, in fin. ff. de Conduct. indebit. text. in leg. Paulus. ff. eod. tit. Octavò facit bonus text. in leg. Julianus. §. Præterea. ff. de Action. empr. ubi habetur, quòd venditor potest repetere ab emptore sumptus necessarios, vel utiles consumptos in re vendita. Et in expressò istam sententiam & conclusionem tenet Anton. de Butr. Anch. & alii DD. in dict. cap. Significavit, de Rescript. Abb. & comm. DD. in dict. cap. 1. de Solution. Pro qua sententia & conclusione est hodiè lex notabilis part. 4. tit. 15. 2. part. quæ apertè dicit, quòd successor in regno tenetur de jure solvere debita regis prædecessoris: Et eadem ratione idem debet esse in alio successore majoratus, per eam quæ supra dixi. Sed advertendum, quòd illa lex indistinctè loquitur & dicit, quòd teneatur debita solvere de jure, & de benè esse: Sed eam intelligo isto modo, quòd de jure teneatur solvere debita contracta in utilitatem Regni; de benè esse teneatur solvere alia debita voluntaria. (e) Nec etiam prædictis obstat lex notab. 46. infra his 11. Taur. quæ disponit, quòd si possessor majoratus ædificavit Castrum vel fortalitium, vel illud reparavit, pertineat successoribus ma-

(c) Vide Molin. de Primogen. lib. 1. cap. 10. num. 18. Joan. Garc. de Fructibus & expensis, cap. 16. num. 12. Matienz. in leg. 7. tit. 7. lib. 5. Recopil. gloss. 3. num. 8. Pinell. in leg. 1. part. 2. num. 71. Cod. de Bonis matern. Velazq. in leg. 46. Taur. gloss. 9. à num. 12.

(d) Et quando talis utilitas non sit momentanea, sed perpetua, & in perpetuum duratura; qua ratione, meritò ex ipsis rebus & bonis majoratus fit resolutio, cum virtualiter & effectivè remaneat utilitas.

(e) Et hanc interpretationem sequitur etiam Molin. lib. 1. cap. 10. num. 3. Gregor. Lop. in dict. leg. 9. tit. 15. 2. part. gloss. 1. Anton. Padill. in leg. Unum ex familia, §. Si de falcidia, num. 7. & seq. de leg. 2. Matienz. in leg. 6. tit. 7. lib. 5. gloss. 3. num. 19. in fin. licet Cost. in quæst. de Patruo & nepot. num. 4. generaliter legem prædictam partitè intelligat, ut necessario Rex teneatur debita prædecessoris omni casu solvere.

majoratus, nec teneatur æstimationem vel expensas solvere, nec in tali commodo vel lucro uxoris prædicti successoris habet partem lucrorum. Quia illa debet tantum intelligi in sumptibus & expensis ædificiorum, non in aliis. Et quæ sit ratio illius legis? Vide super ea. Ex quibus notabiliter infero, quod licet majoratus & constitutio ejus incepta ab ipso prædecessore debitore; tamen, si debita contraxit postquam majoratus & ejus constitutio fuit irrevocabilis mediante traditione, vel ex aliis causis contentis in his l. *Taur.* non tenetur successor illa solvere; quia alias posset per indirectum majoratum revocare. (f)

73 Decimonono principaliter quaero, an sententia lata contra possessorem majoratus, per quam privatur majoratu, & declaratur ad alium pertinere, præjudicet sequenti successori, etiam non citato nec vocato? Et videtur quod non: Primò, quia sicut per contractum, vel delictum, vel aliam causam non potest possessor bona majoratus alienare, ita etiam non poterit per quasi contractum, qui inducitur litigando in iudiciis, argumento text. in leg. 3. §. *Idem scribitur*, ff. de *Peculio*, & ibi notat Bart. Bald. & communiter DD. Secundò facit text. in leg. *In diem*, ff. de *Aqua pluviali arcend.* ubi habetur, quod successor particularis, ad quem res secundario pertinet, & habet jus vel spem de futuro, debet consentire in alienatione rei; & ad hoc summè notat & commendat ibi Gloss. ordinaria, Bart. Bald. Angel. Imol. Cuman. Roman. & communiter DD. facit etiam text. in leg. *Nihil*, §. *Omnibus*, ff. de *Legat. 1.* text. in leg. *Quoribus*, 11. *Cod. de Fideicommissis*, ubi habetur, quod in alienatione rei restitutioni subjectæ debent consentire illi ad quos res debet pervenire, alias non valet alienatio; & in expresso ita tenet Bart. in leg. *Filius familias*, §. *Divi*, ff. de *Legat. 1.* §. *column. num. 9.*

Sed his non obstantibus, ego teneo contrarium, imò, quod talis sententia præjudicet sequenti successori, etiam non vocato nec citato: Primò per text. in leg. 1. §. *Denuntiari*, ff. de *Venire inspic.* ubi, quando lis vertitur super hæreditate, vel bonis alicujus defuncti, solum est citandus hæres universalis, ad quem principaliter & immediatè spectat negotium, non verò substitutus, vel alter, cui secundario bona possunt

pertinere; & ad hoc notant & commendant ibi DD. Secundò facit talis doctrina & regula generalis; quod quando processus vel causa principaliter tendit & ordinatur in præjudicium certæ personæ, licet in consequentiam resultet præjudicium tertio, non propterea ille tertius est citandus ut compareat & assilat in causa, sed tantum primus, quem principaliter negotium tangit; ita probat textus notabilis & expressus in leg. *Cum filius familias*, ff. de *Verbor. obligation.* & ibi summè notat & commendat Angel. de Perus. 2. *column.* & post eum communiter alii DD. Tertio & in terminis facit; quia sententia lata in querela inofficiosi testamenti contra hæredem universalem nocet & præjudicat fidei commissario substituto, etiam non citato; textus est singularis in leg. *Si patroni filius*, §. *fin.* ff. ad *Trebell.* & ibi notant & commendant commun. DD. Notat etiam & commendat Bart. Paul. & commun. alii DD. in leg. 1. *Cod. de Inoffic. testam.* Quarto pro hac sententia & conclusione facit text. in cap. 1. §. *Si Vasallus et fin. si de feudo defunct. contentio sit inter dominum & agnatos Vasalli*, in lib. 1. *Feudor* ubi disponitur, quod si Vasallus agat vel conveniatur super re feudali, valet iudicium & sententia, etiam in præjudicium successoris, ad quem feudum debet pervenire; text. in cap. 1. *de Controvers. inter Vasallum & alium de Benefic.* Et in expresso in nostro casu & quaestione, scilicet, quod talis sententia definitiva lata in bonis majoratus præjudicet successoribus, tenet Joan. de Imol. in leg. *Filius familias*, §. *Divi*, ff. de *Legat. 1.* 2. *col.* Angel. de Perus. *ibi. fin. col.* Joan. Crot. *num. 42.* Ferd. de Loazes, *num. 62.* communiter modern. Albert. in *Proæmio Digest. veteris*, §. *Discipuli*, 1. *column.* Idem Alber. in leg. *penult.* *Cod. de Donat. inter vir. & uxor.* Alexand. in leg. *Sepe*, ff. de *Re judic.* 42. *col.* & ibi moderni. Anchar. in cap. *Licet, de Voto, penult. column. num. 17.* Martin. de Laud. in *tract. Major. 46. quaest.* Confirmatur; quia sententia lata contra maritum in re dotali, agendo, vel defendendo, nocet & præjudicat uxori, nisi dolo succubuerit, & non sit solvendo; quia censetur procurator in rem suam: Ita probat text. in leg. *Si pro re pupilli*, §. 1. ff. de *Eviction.* text. in leg. *Si mater*, §. *Hoc jure*, ff. de *Except. rei judic.* text. in leg. *Tirio centum*, §. *fin.* ff. de *Condit. & demonst.* text. in leg. *& ele-*

(f) Idem tenet Peralt. in leg. 3. §. *Qui fideicommissam*, num. 124. de *Hæred. instit.* idem simul mecum referens, dicensque sic pluries practicum ac intellectum fuisse, tenet Molin. lib. 1. cap. 10. n. 11. Mieres in *tract. de Majorat. 1. part. quaest. 24.* n. 34. & 35. licet contrarium tenuerit Angel. in *tract. de Meliorat. in leg. 5. gloss. 4. num. 2.* cui latè satisfaciunt Velazq. de *Avend. in leg. 21. Taur.* num. 15. & 16. meam sententiam defendens.

elegantè. §. *penult.* ff. de *Dolo.* text. in leg. *Pauper in fine*, ff. de *Dote præleg.* text. in leg. *Doce ancillam*, *Cod. de Rei vindic.* & ibi tenet Guill. Cynus, Bald. Paul. Salyc. & communiter DD. Unum tamen est, quod si ipse successor vellet comparere pro suo interesse in iudicio, & adesse causæ, & probationes inducere, poterit hoc facere, etiam invito possessore; quia quando aliqua causa agitur principaliter inter aliquos; cujus eventus potest alteri in consequentiam præjudicare; potest ille tertius pro jure suo comparere, & probationes adducere; textus est singularis in leg. *Principaliter in fin.* *Cod. de Liberal. caus.* & ad hoc notat & commendat ibi Bald. & communiter alii DD. Melior text. in leg. *Si suspecta*, ff. de *Inoffic. testam.* & vide Covarrub. in *Pract. quaestionibus quaest. 28.*

74 Vigesimo principaliter quaero, si possessor majoratus decessit fructibus pendentes, an pertineat successoribus majoratus, an verò pertineant omnibus hæredibus & successoribus, ut dividantur inter eos tanquam bona defuncti? (g) Et videtur quod dividantur inter eos, sicut alia bona communia & libera habita à defuncto: Primò, quia tales fructus sunt res mobiles, in quibus non consistit majoratus; unde merito inter eos debent dividi, sicut alia res mobiles non vinculae nec subjectæ restitutioni; argumento text. in leg. *Sciendum*, §. 1. ff. *Qui satisd. cogant.* text. in leg. 1. ff. *ad Syllan.* text. in leg. *fin. versic. penult.* ff. de *Requirend. reis*, cujus verba sunt, *sed & divus Trajanus inter moventia, fructus quoque haberi rescriptit.* Secundò facit textus mirabilis, & expressus in cap. 1. §. *His consequenter.* *Hic finitur lex, deinde consuetudines regni incipiunt*, in lib. 2. *Feudor.* ubi disponitur, quod mortuo Vasallo sine hærede masculo, taliter quod feudum debeat amitti; si decedat ante Martium, omnes fructus pertinent domino; si verò post Martium usque ad Augustum, pertinent hæredibus vel successoribus suis, & dividantur inter eos tanquam bona propria & communia: Ergo ita dicamus in nostro casu, quod mortuo possessore majoratus, fructus pendentes pertineant hæredibus & successoribus ejus. Et de illo textu & de ejus decisione mirantur ibi DD. & ponunt varias & diversas rationes; &

illum textum in sua decisione reputat singularem in jure Angel. in leg. *Defuncta*, ff. de *Usufructu.*

Sed his non obstantibus, ego teneo contrariam sententiam, imò, quod indistinctè, mortuo possessore majoratus in qualibet parte anni, fructus pendentes pertineant soli successoribus majoratus, non aliis hæredibus vel successoribus. Pro qua sententia & conclusione primò facit textus notabilis & expressus in leg. *Fructus pendentes*, ff. de *Rei vindication.* cujus verba sunt: *Fructus pendentes pars fundi esse videntur*, & ibi notat & commendat Glossa ordinaria, Alber. & communiter DD. text. in leg. *Cum filius*, §. *Dominus*, ff. de *Legat. 2.* text. in leg. *Si servus communis*, §. *Locavi* ff. de *Furtis*, text. in leg. *In falcidia placuit*, ff. *Ad legem falcid.* ex quo dicit Alber. in *dict. leg. Fructus pendentes*, ff. de *Rei vind.* quod tales fructus censentur res immobiles, sicut ipse fundus cui cohærent. Nec obstat text. in *dict. leg. fin. versic. penult.* ff. de *Requirend. reis. cum simil.* quia intelliguntur, quando fructus sunt jam separati à solo: Tenet etiam Gloss. ordinaria juncto text. in cap. 1. §. *fin. de Feudi cognition.* in lib. 2. *Feudor.* ex quo etiam & secundò dicit Bald. in leg. 1. *col. penult.* *Cod. de Fruct. & litium expen.* quod in petitione reali vel personali fundi veniunt & includuntur fructus pendentes, absque aliqua petitione vel declaratione. Tenet etiam Angel. in §. 1. *Instit. de Offic. jud.* 2. *column. num. 4.* (h) Ergo sicut fundus vel res mobilis pertinet successoribus majoratus, ita etiam fructus pendentes debent ei pertinere; quia non censentur res diversæ & distinctæ, sed una & eadem res, cui altera cohæret; & istud est inconvincibile fundamentum.

Secundò & in specie pro hac sententia & conclusione facit textus bene notandus in leg. *Defuncta*, ff. de *Usufructu.* ubi habetur, quod si fructuarius vel fructuaria decedat fructibus jam collectis; ipsi, vel pensiones eorum pertinent hæredibus ejus, licet pensionis dies vel terminus non cesserit; si verò fructibus pendentes decessit, ipse fundus cum fructibus pertinet ipsi domino proprietatis, cui fundus debet restitui: Et ad hoc illum textum in sua decisione no-

(g) De hac quaestione videndus est Mieres in *tract. de Majorat. 4. part. q. 24. per totam.* Molin. in *consuetud. Paris. 1. part. §. 1. gloss. 8. n. 10. fol. 42.* Covarrub. lib. 1. *Variarum*, cap. 15. n. 14. Molin. lib. 3. cap. 11. *quasi per totum.*

(h) Contrarium videtur tenere Covarrub. lib. 1. *Variarum* cap. 15. num. 14. & Bürg. de Paz in *Proæmio legum Taur.* num. 74. verb. *Præterea*, Avend. *responso 5. n. 4. fol. 12.* Molin. de *Primogen.* lib. 3. cap. 11. n. 11. & vide omnino Joan. Garc. qui mecum hanc partem defendit de *expensis & meliorat.* cap. 16. num. 6.